

Япон улсын Засгийн газрын тэтгэлэгт хөтөлбөр
/Япон хэл, Япон соёл судлаач оюутан болон ЕБС-ийн багшийн мэргэжил
дээшлүүлэх курс/

2020 оны Японы санхүүгийн жилд хэрэгжих Япон улсын Засгийн газар (Япон улсын Боловсрол, шинжлэх ухааны яам)-ын тэтгэлэгт хөтөлбөрт хамрагдах шалгалт өгөх хүсэлтэй монгол оюутнуудыг дараах шаардлагын дагуу бүртгэж байна.

1. Хөтөлбөрийн танилцуулга

**Япон хэл, Япон соёл
судлаач оюутан**

Япон улсын их дээд сургуульд япон хэлний мэдлэг, Япон орон болон Японы соёлын талаарх мэдлэгээ дээшлүүлэх зорилгоор Япон хэл, Япон соёлын чиглэлээр суралцаж буй оюутнуудад зориулсан хөтөлбөр болно.

2020 оны 10 дугаар сараас Японы их дээд сургуульд Япон хэл, Япон соёл судлаач оюутнаар нэг жилийн хугацаанд суралцах бөгөөд уг хугацааг сунгах боломжгүй. Суралцах хугацаанд сар бүр 117,000 иений тэтгэлэг олгогдоно.

**ЕБС-ийн Багшийн
мэргэжил дээшлүүлэх курс**

ЕБС-ийн үндсэн багш нарт зориулсан Япон улсын их, дээд сургуульд “Сургуулийн боловсрол”той холбоотой судалгаа хийх хөтөлбөр болно.

2020 оны 10 дугаар сараас 2022 оны 3 дугаар сар хүртэл Япон талаас хуваарилсан их дээд сургуулийн мэргэжил дээшлүүлэх сургалтанд хамрагдах ба тогтсон хугацааг сунгах боломжгүй. Суралцах хугацаанд сар бүр 143,000 иений тэтгэлэг олгогдоно.

2. Тавигдах шаардлага, болзол

※Дээрх 2 хөтөлбөрт адилхан тавигдах шаардлагыг **энд** дарж үзнэ үү.

Япон хэл, Япон соёл судлаач оюутан

1. 1990 оны 4 дүгээр сарын 2-ноос 2002 оны 4 дүгээр сарын 1-ний хооронд төрсөн байх.
2. Монгол улсын их, дээд сургуулийн 2 эсвэл 3 дугаар курсын оюутан бөгөөд үндсэн мэргэжил нь Япон хэл, Япон соёл байх /2 дахь гадаад хэл, дагалдах мэргэжлийн хүрээнд япон хэл, япон соёл үзэж байгаа бол энэ шалгалтыг өгөх боломжгүй. Мөн бүртгэлийн үеэр их сургуульд харьяалалтай боловч чөлөө авсан оюутнуудын хувьд шалгалтанд оролцох эрхгүй болно/.
3. Япон улсын их, дээд сургуульд япон хэлээр суралцахад хангалттай япон хэлний мэдлэг чадвартай байх.

ЕБС-ийн Багшийн мэргэжил дээшлүүлэх курс

1. 1985 оны 4 дүгээр сарын 2-ноос хойш төрсөн байх. /35 нас хүртэлх бөгөөд 4 сарын 2-оос хойш төрсөн байх/
2. Их дээд сургууль эсвэл багшийн сургууль төгссөн байх.
3. Монгол улсын ЕБС-д одоо үндсэн багшаар багшилж байгаа бөгөөд 2020 оны 10 дүгээр сарын 1-ний байдлаар үндсэн багшаар 5 ба түүнээс дээш жил багшилсан туршлагатай байх (Их, дээд сургуулийн багш, цагийн багш, ЕБС-ийн удирдах ажилтан, япон ба англи хэлнээс бусад гадаад хэл болон монгол хэлний багшийн хувьд оролцох боломжгүй).
4. Япон хэлийг идэвхтэй сурах хүсэлтэй байх. Япон орныг сонирхдог бөгөөд Японд очсон хойноо өөрийн зүгээс идэвх санаачлага гарган Япон орны тухай ойлголтоо гүнзгийрүүлэх хүсэлтэй байх. Мөн Японд судалгааны ажилд оролцож, Японд амьдрах чадвартай байх.
5. **Япон хэлний түвшин шалгаруулах шалгалтын N3-аас дээш эсвэл TOEFL iBT 60-аас дээш байх**

3. Бүртгэл

Дээрх нөхцөл, шаардлагыг сайн уншиж танилцсаны үндсэн дээр шаардлага хангах материалаа өгөн бүртгүүлнэ үү. Материал дутуу бол бүртгэхгүй.

Хэзээ: 2020 оны 1 дүгээр сарын 27-наас 29-ний өдрүүдэд 13:00-17:00 цагт

Хаана: Монгол-Японы төв

Бүрдүүлэх бичиг баримт

Япон хэл, япон соёл судлаач оюутан

1. Иргэний үнэмлэх (эх хувийг үзээд буцааж өгнө)
2. Сүүлийн 6 сарын дотор авахуулсан, 3.5х4.5 см хэмжээтэй, эгц өөдөөс харсан, нүүр царай тод гарсан, малгайгүй цээж зураг 2 хувь.
3. Сургуулийн тодорхойлолт (Элссэн он болон одоо хэддүгээр курсэд суралцаж буйг тэмдэглэсэн байх)
4. Дүнгийн тодорхойлолт

ЕБС-ийн Багшийн мэргэжил дээшлүүлэх курс

1. Иргэний үнэмлэх (эх хувийг үзээд буцааж өгнө)
2. Сүүлийн 6 сарын дотор авахуулсан, 3.5х4.5 см хэмжээтэй, эгц өөдөөс харсан, нүүр царай тод гарсан, малгайгүй цээж зураг 2 хувь.
3. Ажлын газрын тодорхойлолт (5 ба түүнээс дээш жил үндсэн багшаар ажиллаж буйг баталсан)
4. Төгссөн их сургуулийн диплом (эх хувийг үзээд буцааж өгнө)
5. Япон хэлний түвшин тогтоох шалгалтын оноо эсвэл ТОЕФЛ-ийн оноо
6. Нийгмийн даатгалын дэвтэр (эх хувийг үзээд буцааж өгнө)

Шалгалт

А. Бичгийн шалгалт

1. Япон хэл, соёл судлаач оюутан хөтөлбөр: Япон хэл
2. Багшийн мэргэжил дээшлүүлэх хөтөлбөр: Япон хэл, Англи хэл

Хэзээ: 3-р сарын 1-ний өдөр (Ням) 9:00 цагт

Хаана: Монгол-Япон төв

Шалгаруулалтын хариу гарах тов: 3-р сарын 2-ны өдөр (Даваа) 14:00 цагт

/тэнцсэн эсэх хариуг зөвхөн Японы ЭСЯ-ны вэбсайтад нийтэлнэ/

Бүрдүүлэх материалыг тайлбарлах: 3-р сарын 3-ны өдөр (Мягмар) 11: цагт Монгол Японы төвд (Зөвхөн шалгалтанд тэнцсэн хүмүүст хамааралтай)
Б. Ярилцлагын шалгалт:
Бичгийн шалгалтад тэнцсэн хүмүүсээс ярилцлагын шалгалт авна.
Ярилцлагын шалгалт хэзээ авах талаар бичгийн шалгалтанд тэнцэгсдэд жич мэдэгдэнэ.

※Ярилцлагын шалгалтанд тэнцсэн гэдэг нь хамгийн эцсийн хариу биш бөгөөд Япон улсын БСШУСЯ-аас эцсийн хариуг 7 сард зарлана.

Асуулт хариултын хэсэг

Жил бүр хамгийн их асуудаг асуултуудад дараахийн дагуу хариулт өгөх тул, тус Элчин сайдын яам руу асууж лавлахаасаа өмнө дараах асуулт хариулттай уншиж танилцана уу.

Уг шалгалтыг Япон улсын ЭСЯ дангаараа зохион байгуулдаг тул **Монгол-Японы төв зэрэг бусад байгууллагаас асууж лавлахгүй байхыг хүсье**. Бүртгэлийн үеэр уг шалгалтанд тэнцэж Япон улсад суралцаж төгссөн төгсөгч зөвөлгөө өгөх тул, шалгалтын талаар асууж лавлах боломжтой.

Q1: Шалгалттай холбоотой зөвлөгөө авахыг хүсэж байна.

⇒ Жил бүр шалгалтын бүртгэл явуулах үед уг шалгалтыг өгч байсан туршлагатай хүн зөвлөгөө өгдөг тул тухайн үед асууж хэрэгтэй мэдээллээ авна уу.

Q2: Шалгалтын агуулга хэр хүнд вэ.

⇒Өнгөрсөн жилүүдийн шалгалтын материалын [линк](#)ийг дээр тавьсан байгаа тул, шалгалтын агуулгатай тэндээс танилцана уу. Мөн тухайн жилийн шалгалтын босго оноо жил бүр өөр байдаг мөн TOEFL зэрэг оноо шалгалтанд нөлөөлдөггүй болно.

Q3: Би Япон хэлийг огт сурж үзээгүй бөгөөд, багшийн мэргэжил дээшлүүлэх хөтөлбөрт бүртгүүлж болох уу?

⇒Болно. Бичгийн шалгалтыг Япон хэл болон Англи хэлний аль алийг нь өгөх бөгөөд аль өндөр оноо авсаныг нь тооцох болно.

Q4: Японы Засгийн газрын тэтгэлэгт шалгалтын ярилцлагын шалгалтанд тэнцсэн байтал 7 сард тэнцээгүй гэсэн хариу ирсэн. Бичгийн шалгалт, ярилцлагын шалгалтанд тэнцсэн байхад яагаад тэнцээгүй гэсэн хариу ирдэг юм бэ?

⇒ Бичгийн шалгалт, ярилцлагын шалгалтанд тэнцсэн оюутанг тус Элчин сайдын яам Японы Боловсрол, Шинжлэх ухааны яамд нэр дэвшүүлдэг. Түүний дараа Японы Боловсрол, Шинжлэх ухааны яам дахин сонгон шалгаруулалт явуулж

эцсийн хариуг гаргадаг. Японы Засгийн газрын тэтгэлэгт хөтөлбөрт элсүүлэх шалгалт зөвхөн Монголд төдийгүй дэлхийн бүх орнуудад зохион байгуулагддаг ба дэлхийн бусад орнуудаас нэр дэвшигдсэн нийт оюутнууд дундаас сонгон шалгаруулдаг тул Монгол дахь сонгон шалгаруулалтанд тэнцлээ гээд Японд суралцах боллоо гэсэн үг биш юм.